

Den Internet Cafe...

Mama di Natalee a topa cara-cara cu Deepak

Encuentro lo a dura por lo menos 90 minuut



ORANJESTAD (AAN): Algun dato importante na forma misterioso a keda "afo" di e documentonan cu FBI a ricibi for di Polis di Aruba. Esey tabata suficiente pa mama di e estudiante desapareci na Aruba, declara na TV Mericano cu esey ta holer den direccion di scondemento di informacion.

Dialuna tabata un dia cu yen detaye interesante riba e caso di Natalee Holloway di Alabama, kende desde fin di Mei ta perdi.

Dialuna den forma di sorpresa, Beth Holloway tabata den e Shopping Mall, y a pasa banda di e Internet Café unda Deepak Kalpoe ta labora.

Beth a bisa cu el a drenta eyden, y a topa cu e hoben, y el a cuminsa haci pregunta, den sentido di: "Pakico bo no ta bin bisami kico a pasa mi yiu?" "Pakico bo no ta bin bisami e berdad?"

Segun Beth Holloway Twitty, Deepak a bira nervioso y no a hisa su bista mes di e computer monitor unda e tabata sinta ta type y cu te hasta el a cuminsa soda masha hopi mes.

Esaki ta djis algun di e frustracionnan cu e mama aki ta pasa aden. E ta desespera pa haya su yiu muher back, pero esnan cu por sa algo, na forma misterioso no kier bise algo.

For di e prome dia cu el a yega Aruba caba el a topa cu e actitud ey. Ora el a topa cu Joran pa prome biaha, envez cu e tata (Paulus) a bisa su yiu pa por fabor duna informacion pa asina e seña por pensa unda su yiu ta... ata e tata ta bisa su yiu pa "no bisa nada"!!!

MANIPULACION DEN INVESTIGACION

Pesey mes, Dialuna mainta den un entrevista en vivo cu

encuanto e caso aki. E ta preocupa, y ta pensa cu kizas nan lo bay keda sin haya e contestanan cu nan tin mester.

For di rond Merca tin mensahenan ta drenta, e.o. con bin Joran tin asina hopi Abogado trahando pe? Den wowo di hopi hende, nan kier sa ta kico tin di sconde aki cu mester busca un batayon di experto legal pa su defensa.

E opinionnan en general ta,

cu si bo no tin nada di sconde... anto no tin motibo di con bo por papia abiertamente cu mama di Natalee. Si abo tambe kier pa e mucha muher worde haya back, cu hopi gusto lo bo kier papia cu e mama pa expresa bo sentimento y bo teoria.

Pero Deepak a prefera di keda keto, sin saluda, y sin kita wowo di su computer

screen ora cu e mama di Natalee tabata cerca dje. Kico hendenan lo pensa awor?.

Informacion cu DIARIO ta dispone di dje ta indica cu abogadonan di e rumannan Kalpoe no a keda nada contento cu locual Beth Holloway a hasi ayera y awor tin te hasta e posibilidad cu nan lo lanta un caso contra di e mama di Natalee Holloway.

CBS News, Beth Holloway a muestra cu e ta cuminsa pensa cu tin cierto manipulacion andando cu e investigacion. Aki el a defende su mes, bisando cu cierto elementonan principal a worde "kita" for di documentonan importante cu Cuerpo Policial Arubano a entrega na FBI.

E ta contento cu FBI ta logra haya e documentonan, pero awor e tin duda riba e veracidad di e informacion cu ta worde duna. E cantidad di declaracion cu a worde duna na comienzo, ta masha hopi mes.

Beth a bisa cu el a mira seis documento, y ta parece cu net partinan importante a worde kita deliberadamente. Awor e ta compronde di con e investigacion a tuma un birada drastico na comienzo, ora cu nan a detene e dos security guardnan.

Keto bay Joran van der Sloot ta worde interroga door di Specialistanan di Actitud di Hulanda, y Beth Twitty a bisa cu e ta spera cu algo bon lo sali di e interrogacionnan aki. "Mi sa cu nan ta trahando hopi duro, y mi ta sigur cu nan ta hopi frustra cu e actitud aki."

E mama di Natalee a bisa cu el, hunto cu e investigadornan, ta frustra cu cada biaha e Team di Abogado di Joran ta entabla caso den Corte. DIARIO a compronde cu e abogadonan tur ta bay apela e sentencia di Corte di Prome Instancia, riba nan peticion pa prohibi e entrega di informacion di Polis na FBI.

Pero en general, Beth ta sinti cu e investigacion ta bay den un bon direccion. E no sa si acaso e mester cuminsa haci un suplica na Den Haag